

十朝东华录

嘉庆朝

第七

函

函

册

秋七月丁亥胡龍軍機大臣等王德等奏議勒限嚴拿章程覽奏俱悉蔡壹在洋肆劫多年罪大惡極今王德等請以提督李長庚爲總統溫州海壇二鎮總兵爲左右兩翼帶兵前往緝捕自應如此辦理至沿海一帶道路遼遠豈能備設弁兵並著王德銓知顏鳴漢及各鎮總兵等擇要巡防見在捕盜喫緊之時水陸各營員內如有懈弛不職者即應嚴參斤革勿再姑容以肅營伍○
戊子 華妃薨 上至吉安所賜奠○以阿隆阿爲內閣學士_{世宗憲}○辛卯諭軍機大臣等本日各該部議覆富俊條奏移駐卡倫增設官兵等款分別准駁已依議行矣內如議駁三遺浪頭卡倫地方添設兵船一節所駁甚是該處邊江之東即係朝鮮地界該國臣事本朝極爲恭順况潮查舊案 聖祖 世宗 皇考高宗純皇帝於該國懇請拆毀兵房停止設卡貿易等事無不歷遵

恩准並將 諭旨載入檔冊俾永遠遵行今該將軍忽議設船配兵徒令該國心生疑駭而營兵等既有船隻即難保無私自越境情事所有該處添設兵船之處著永遠停止至三股泉等處四卡倫湯黃城等二十處卡倫統轄裁撤據該大臣等照覆准行但奸匪等潛行出入其往來蹤迹原無一定該將軍以爲無關緊要安知奸匪等不探知該處無兵巡緝仍復潛蹤前往又成出入

要路該將軍應隨時巡察相機籌辦不可拘泥地段心存懈弛也○壬辰加祿康太子太保○甲午劉璽雲以御門謄班降內閣學士轉奏職爲工部左侍郎以曹振鏞爲工部右侍郎茅元銘爲內閣學士_{世宗憲}○丁酉諭本年春間高杞由湖北巡撫來京候旨朕詢以吳熊光平日辦事據稱吳熊光性情躁急於接見屬員每加呵斥而批稟書札中往往措詞違當因其在軍機章京年久擬寫諭旨於訓飭之語習以爲常遂率意書寫及問以操守何如則堅稱實屬廉潔願以身家相保並稱如吳熊光稍有簒盜不

飭之事必慮人指摘其待下不敢如此嚴峻伊與吳熊光意見齟齬亦斷不肯代爲容隱等語旋據初彭齡密摺奏吳熊光得受洮陽州知州秦泰銀一萬兩及每年收受匪費銀六萬兩又將賫財送回家交伊親家李世望營運三款朕卽一面密降硃諭令全保據實詳查於召見初彭齡時再三究問此語得自何人據稱係高杞向伊告知其時高杞派往新疆辦事經朕向其詰詢據高杞面奏秦泰餽送總督一節係湖北通判魏耀所言又復申論全保查奏據全保先後奏覆吳熊光實無貪鄙情事而魏耀向高杞所

言亦堅不承認其匪費一款並令信山密查據奏該省匪費久經裁革吳熊光既無劣蹟是以亦未將李世望代伊營運之處降旨飭查而高杞先在展前力保吳熊光廉潔復向他人播揚吳熊光款蹟似係懷恨吳熊光將伊參劾欲借他人彈章爲報復之計適

高杞於夏間緣事革職卽令其來京詢問並令全保將魏耀解京與高杞質對茲於解到時交軍機大臣會同刑部審訊據魏耀供稱秦泰餽送一事高杞先向伊詢問伊隨口迎合稱係在漢口兌換金子實則毫無影響其匪費及李世望代爲營運二事高杞與初彭齡彼此該卽各執一詞朕念初彭齡見任卿貳尙欲全其顏面不肯遽令對質此卽朕格外施恩保全敢言之臣正所以去朕之惡蔽迨高杞供出初彭齡將密奏事件及面奉諭旨向伊一一詳述實堪詫異此豈高杞所能捏造乎因將初彭齡解任與高杞

曉辨白惟伊於獨對時將密陳面諭事件向人傳述是在朕前欲博侃直之名而在外聞又欲透漏消息藉張聲勢其居心竟不可

問初彭齡之罪實在於此朕亦不能曲為保全矣至高杞既聞奏泰有饒送吳熊光之語於朕垂詢時即深信該督操守廉潔亦何

妨將此一事據實直陳乃於朕前不言轉告之初彭齡殊非以誠事上之道有負國恩高杞之罪在此魏耀本係微員惟知迎合高

杞將捕風捉影之談污穢總督尤為卑鄙除高杞魏耀業經革職外初彭齡著摘去頂帶俱交刑部看守不必監禁聽候定擬知縣

王垂紀既經訊明湖北匪費由初彭齡誤聽生疑與伊無干應無庸議所有此案罪名著大學士滿漢尚書會同原審大臣定擬具

奏○轉戴均元為戶部左侍郎調潘世恩為戶部右侍郎轉劉鳳詒為兵部左侍郎以陳寶箴為兵部右侍郎周廷棟為左副都御

史○己亥現環卒以伯麟為雲貴總督同典為山西巡撫台斐音為湖北布政使慶格為河南按察使○增設南

苑驍騎校○庚子論本日大學士滿漢尚書及原審大臣會同議奏初彭齡等罪名一摺據初彭齡冒昧參劾已屬陳奏失實此

語非是朕從不因言事罪人最喜敢言之臣此實素懷至密陳面諭事件私向高杞傳述竟照瀾洩機密事律擬以斬監候尤為

過當竟係諸臣欲杜言事者之口必有不可令人知之事矣此案先經初彭齡往見高杞問及吳熊光操守高杞答以實屬廉潔初

彭齡不肯深信議論吳熊光聲名平常旋據高杞告以秦泰饒送一事初彭齡據以入奏並密陳陳得受賄賈及吳熊光親家李世望

代為營運二款迨召見時朕諭以此事交全保查辦恐不肯和盤托出伊奏稱若嚴切降旨全保自不敢稍為徇隱朕又以吳熊光

如果贖款屬實則李世望代為營運之處亦當交汪志伊查辦初彭齡奏稱汪志伊查辦甚好伊出見高杞即將召對所奉之旨向

高杞傳述其獲咎實在此即照瀾洩常事律加等治罪亦不過職職違戾何至輒引近侍官員瀾洩機密重事律擬以太辟況臣工

必遇事敢言方可祛除壅蔽凡關繫弊端及臣僚中不公不法等事既有所聞本應即行陳奏候朕密為查察若所奏屬實亦係分

所當言不足為功設其中未盡確實職權情酌理自有權衡必不致無辜被累若察諸尚無確據勢必事已破露罪狀昭著始行

入告何如早為發覺轉不至釀成巨案乎初彭齡風聞不實原無可罪至於瀾洩一節亦當按事之大小以定罪名輕重朕召見臣

下所降諭旨均不可視為泛常然瀾洩之罪必視其所透漏者究屬何事關繫何項緊要機宜方可照瀾洩機密重務擬罪今初彭

齡所瀾洩者止係將諭令全保汪志伊查辦之旨向人傳述尚非別有重大情節且亦尚未交汪志伊查辦若遽照前律擬斬設遇

有瀾洩軍國重務者其罪更何以加乎且見在與議諸大臣中即皆常經召對之人試各捫心自問豈能盡守口如瓶毫無瀾洩設

有一二傳播之言被人指摘若俱照此例辦理既於政體有乖亦甚非諸臣之福也即如本日召見申諭之旨諸臣自當祇服訓辭

解

互相戒勉正應向僚佐傳說亦豈得謂之漏洩乎初彭齡平日陳奏各事除見在所辦鈞案外其餘亦多非確實然朕所以詳詳訓諭欲保全敢言之臣者並非為彭齡一人誠以大臣中建白者少而臧厥者多即多方激勵尚恐不肯盡言今若將初彭齡問以重罪恐外間無識之徒妄生揣摩或疑朕於初彭齡厭其多言科以他罪從此箝口結舌惟事摸稜必致壅蔽日多於政治大有關係初彭齡之罪本應革職發往新疆姑念其具有老親著革職加恩令其在家養親閉門思過此朕因初彭齡言事之心尚屬可原是以格外施恩亦所以風勵臣工勉為審諒也高杞以二品大員本有言事之責經朕再三詢問吳熊光操守伊既力保其廉潔而於魏耀傳說餽送之語當時不行陳奏轉向初彭齡詳述實屬巧詐著照議發遣伊犁令其自備資斧前往交與將軍松筠派委苦差效力贖罪魏耀惟知迎合上司以毫無影響之賊私重情汚囑總督著即照擬總徒四年除將與議大臣等面加訓飭外著將此案辦理緣由通諭知之○辛丑以尋常覆奏聲用急遞革欽差戶部侍郎額勒布河南巡撫馬慧裕護理河東河道總督徐端花翎○壬寅諭百齡奏武緣縣革生黃萬錫見因毀屍誣告問擬絞候遣子黃會泰呈控呼冤究出原問原檢各官得贓刑求銀錄成招將承辦此案各官嚴參辦理一摺該省有此奇冤殊出情理之外人命關繫至重豈可意出力入乃外省積習相沿止知官官相護不顧案情屈抑以致死者含冤無辜拖累最為吏治官方大弊百齡莅任未久能不顧情面平反重譴殊屬可嘉著賞戴花翎並交部議敘至武緣縣知縣孫廷標以人命重事膽敢受賄改傷縱兇捏詳又復私自開驗主使殘屍圖陷人罪貪酷殘忍莫此為甚披閱時不禁髮指上林縣知縣張第學委會檢並不如法檢驗先傳黃萬錫等告以此案有礙孫廷標功名私商辦法縱復扶同拷逼顯有通同舞弊受賄情事孫廷標張第學著革職拏問將伊二人任所貲財及浙江山東原籍家產交該撫一併查抄其從前委審之知縣石方川判薛人麟既經審出實情又復瞻徇寢息署任知府朱宗枋業經提訊仍行蒙混了事該管知府三神保明知該縣審斷不公不為昭雪轉列銜會印其在省會檢會審之知府端東額通判武衡發布知縣金毓奇一味刑求且轉委巡檢任謙偏供成招以上各該員俱著解任質審公裁於前任廣西臬司時經孫廷標帶犯上省稟求在省訊辦該司輒詳委桂林府等與孫廷標會審顯有袒徇情弊俟定案再行行賂旨此案非百齡任內之事且係伊參奏究出冤情即專交該撫辦理自無枉縱但該省各員除藩司恩長從前未經承審其餘道府等官與孫廷標半屬相識且恐自為地步互相蒙蔽著倭什布傳諭藩司廣厚酌帶明幹公正之員馳驛前赴粵西隨同百齡秉公訊鞠如究出前臬司及委辦各員另有得贓故勘情事再行嚴參治罪務得確情以成信讞至慶遠府知府嵇承開託孫廷標代伊支銷貨是否確實必須訊明辦理著一併解任與孫廷標質對○定 皇貴妃喪儀停祭五日 貴妃二日 妃嬪無庸停祭例纂入會典○癸卯調德文為禮部右侍郎花尚阿為盛京戶部侍郎以榮麟為盛京兵部侍郎由內閣○轉慶音為刑部左侍郎以英善為刑部右侍郎由領事等○甲辰諭軍機大臣等吳熊光自簡用湖廣總督以來朕即聞其接待屬員過於嚴峻批稟事件往往措詞過當因其在軍機章京年久擬寫諭旨於訓飭之語習以為常率意書寫為迨高杞到京朕

詢及吳熊光辦事如何據稱性情躁急及詢以操守則稱其頗爲廉潔旋經初彭齡密參吳熊光收受秦泰儗送及得受匪費交伊親戚李世望代爲營運三款經朕飭交各處密查均無確據將此事明降諭旨並分別懲辦矣但人言可畏豈盡無因物必先腐地而後蟲生之試思各督撫中何獨於吳熊光編造蜚語今事已訊明該督尤不可不返躬自省有則改之無則加勉若以初彭齡所參不實而廉潔之名又爲朕所知輒意存自滿不加檢束則是吳熊光自取咎戾不能承恩眷懷之愼之至文果批答自有一定體制即使屬員偶有過失亦應明白開導何至動遣呵斥竟與擬寫諭旨相似亦非體制若云該督曾在軍機行走則軍機章京中如勒保方維甸等亦俱行走有年簡放外任並未聞伊等於屬員批稟有似吳熊光措詞過當之處嗣後該督務須平心辦事不可仍前躁妄用副委任○丙午 上啓鑒秋獮木蘭○免經過地方額賦十分之三○己酉以木蘭鹿少詔停秋獮○諭據拉旺多爾濟奏遵旨赴木蘭查勘本年所定十三圍地方內巴顏布爾噶蘇台巴雅額爾衮郭威遜格爾巴顏喀拉四圍並未見有鹿隻並詳看各圍場鹿隻甚少者四十餘處又稱該處砍賸木墩餘木甚多兼有焚毀枯株猶在往來車迹如同同大路運木多人各立寮鋪以致鹿隻驚逸傳聞並查有奸徒乘閒選入偷打鹿隻是以較前更爲短少等語圍場爲建武重地自應嚴密稽查毋令有私砍木植偷打鹿隻等事今因節年有大工是以砍伐官木司其事者辦理不善任令匪徒逸入私立寮鋪影射偷砍運載出境牟利其未運之木尙堆積路隅不可勝數及聞知朕行圍伊等復將餘木焚燒滅迹竟係烈山澤而焚之禽獸逃匿可見熱河副都統統轄管等處藉工程木植爲名任令通同舞弊情事顯然況伊等從前原奏止於十四圍無礙圍場處所砍伐木植今砍伐至四十餘處之多且於見定行圍處所肆意偷砍致令底蹤遑遑並有攜帶鳥槍偷打鹿隻售賣鹿茸之事是以國家百餘年秋獮圍場竟與盛京高麗溝私置木廠無異而習勞講武之典連歲闕如成何事體不可不嚴行懲究此項工程需用木植係嘉慶四年間前任熱河副都統德勒克扎布總管姚良奏請辦理接辦者係慶保董椿穆騰額伊等不但辦理不善且凡有別項情弊德勒克扎布姚良均著來京候旨慶保董椿穆騰額熱河佐領德新泰均著解任交總理行營王大臣軍機大臣行在刑部詳悉審訊具奏至章院保調任未久亦尙能留心查察但在任已閱一年而鹿隻仍前稀少亦難辭咎章院保著革去副都統作爲圍場總管○庚戌諭前因查辦戶部寶泉局虧短銅斤一案自嘉慶四年十月以後各該監督等均有得贓短銅情事當經降旨諭令該部將失察之歷任管理錢法堂滿漢右侍郎按照在任年月之久暫並收運銅斤次數之多寡分晰開單呈覽茲據該部查明繕寫清單具奏朕閱單內惟額勒布在任幾及三年收過八運銅斤共計售賣餘銅十四萬三千餘斤歷任最久收銅最多況額勒布本係戶部司員於度支事件最爲熟悉屢經有人密保稱其諳習部務是以於兩年中起用副都統即授爲戶部右侍郎管理錢法堂並授總管內務府大臣派管各項差使額勒布自當隨時勉實心供職而於戶部事宜尤宜格外剔除弊端以期仰副委任乃於寶泉局監督等得受贓私短收銅斤竟爾毫無覺察任聽營私舞弊實屬溺職且額勒布近年辦事多舛卽如此次起豫督辦衡家樓善後工程朕原以其平日召

神伊縣彼時均係奉旨馳往迎其父柩地方官致送德麟奠儀並備賞等銀四萬餘兩德麟收受奠儀已屬不堪至於備賞銀兩更何所需實不成話豐紳伊縣亦收受備賞銀四千餘兩雖比德麟少至十分之一然比之帶兵最久之額勒登保德楞泰二人所收備賞銀兩轉有增多總係外省止知逢迎執務乳臭卑鄙惡習實出情理之外竟非人類所有德麟收受銀四萬一千五百五十二兩著罰令賠繳八萬兩以示悖入悖出之天理爲治世所不容各宜猛省毋墮火坑豐紳伊縣收受銀四千一百兩著照數賠繳其濫行支給之原任總督畢沅等員應行追賠銀兩著照單開細數除賞兵各項共銀六萬三百七十一兩零加恩免其賠繳外餘著於各員名下照數追賠歸款此次楚省清查軍需款目尙爲詳晰該督撫藩司均著交部議敘此時搜捕客匪將竣大兵指日全撤從此海寓牧甯承銷兵革然國家立法不可不周嗣後設遇有徵調之事凡經理軍儲者不准再立備送賞賚名目致滋浮費而市私恩如違旨者計贓論罪決不姑容將此通諭知之○癸亥嚴定盜決匪防軍○甲子諭朕兄成親王自劾專藉書法深得古人用筆之意博涉諸家兼工各體數十年來臨池無間近日朝臣文士之工書者罕出其右應舉勒貝其俾廣流傳而王搗謙白矢不肯速付鈎鐫昨特命軍機大臣傳旨諭令將平日所書各種自行選擇刻石始據王貝摺陳謝遵旨於回京後覓工摹刻著照所請以詣晉齋名顏其卷帙王卽繕朕此行勒冠簡端以當製序本日王所奏之摺亦著另書一通附刊於後以誌一時翰墨欣賞之盛○己巳諭盛京爲我朝發祥之地 橋山弓劍 謨烈存焉 祖 宗以來祇修謁 陵之典朕憶從前臨侍 皇考高宗純皇帝恭詣陪都敬仰 鴻儀山川風景依依在目爾時卽蒙 皇考恩慈欲畀以付託之重曾默以朕名告於 太祖 太宗仰維昭鑒之誠勛以丕基之紹及茲寅承 統緒九年以來宵旰敬勤誠求治理期以上酬 睿顧本擬於親政後卽恭謁 祖陵適緣辦理川陝楚邪匪舊筆連年今幸事機順利殲厥渠魁黨惡十數輩悉被殄除零星餘匪亦已迅就肅清從此海宇敕甯黎黎福此皆 列祖在天之靈默爲垂佑俾歲巨功允宜虔詣 山陵升輿對越特涓吉於明年七月二十一日自京啓鑾由山海關一帶前往盛京謁 陵禮成後於九月二十四日回宮所有一切典禮事宜著各該衙門照例敬謹豫備○乙亥德楞泰奏徵斃首逆苟文潤等得旨獎賞賞還德楞泰內大臣一等侯爵將軍賽冲阿輕車都尉世職○丁丑 上自避暑山莊回鑾○己卯諭我朝定鼎之初本未有建儲之典自 皇曾祖聖祖仁皇帝始立理密親王爲皇太子嗣因緣事廢黜卽未建立立我 皇祖世宗憲皇帝 皇考高宗純皇帝皆密庸 簡在鑒承 神器迨朕兄端慧皇太子仰蒙 皇考恩慈因爲 皇妣孝賢純皇后所出以嫡以賢 特行衛立止以無祿不獲承年 命以皇太子典禮祭葬自後未經續議建儲迨乾隆癸巳 南郊大祀朕荷 皇考睿顧洪恩始以朕名默告於 天 祖然亦未蒙 宣示直至乾隆六十年將行 授璽禮於九月初三日頒發明詔立朕爲皇太子仰承 付託獲續 鵲圖是我朝皇太子之定名而正位者尊朕躬始爾時 敕立禮成卽奉 命祇謁 東陵 西陵 並詣端慧皇太子園寢謁奠當蒙 皇考諭以端慧皇太子先曾衛立已有名分應行叩跪之禮非因以弟拜兄 訓示周詳祇承無斁今朕紹登大寶

自當別定禮儀前據禮部等衙門奏請行賜奠之禮若照所議行則當坐而奠酒朕心究有不安著於享殿外陳設高几奠池朕立奠三爵隨從行禮之大臣官員於朕每奠一爵行一叩禮該衙門即遵照豫備此乃禮緣義起因時定制著將此次舉行儀注纂入會典俾億萬世子孫有可倣而行之者數典不忘得所遵守焉○庚辰諭前據德勝奏藍翎五品軍功趙洪周瑞入賊夥將荷文開職斃厥功業經降旨將趙洪周仍以五品頂帶賞戴花翎並以千總補用矣因思軍功鄉勇年來各路軍營奏報屢見此項名目朕風聞鄉勇等隨營打仗給有四五六品至七八品軍功頂帶者為數不少並不奏明咨部僅係經略參贊提鎮等隨時獎賞給以委牌為憑即文員督撫司道等辦理糧餉等事亦有一體賞給者頂帶為名器所關錫予之恩操之自上豈臣下所當專擅各路帶兵大員等即因軍營鼓勵起見何難據實奏請朕即破格施恩亦不稍有靳惜設人數較多亦應彙奏咨部查覈若似此擅自行賞一無稽察安保無冒濫徇私情弊殊非慎重之道且恐軍功等同至原籍特有頂帶在外滋事亦不可不防其漸除見在軍務告竣所有各路軍功鄉勇業經議定章程通行遵照外究竟軍功名目始自何年何處軍營係由何人首先賞給有無奏咨成案著該部即將歷年來軍營檔案詳查確據奏明請旨辦理尋奏此項軍功自乾隆五十一年福康安勦賊臺灣始得旨應廉安早經身故其餘既已深究嗣後遇有應行獎勵之處俱當奏明請旨加恩不得仍前擅給○辛巳裁新設圍場副都統仍歸總管專司隸熱河副都統○邵洪以病解任以朱紹曾為安徽布政使景安為山西按察使○丙戌 上諭 昭西陵 孝陵 孝東陵 景陵 裕陵至 端慧皇太子園寢奠酒

九月丁亥朔重修 隆恩殿成

上復謁 裕陵回鑾○庚寅

上幸南苑行圍○辛卯以技捕三省教匪餘孽淨盡敕各將弁

並賞資有差○癸巳諭國家本支百世蕃衍彌昌 皇考高宗純皇帝時會疊次筵宴宗室誼美 恩明朕御極以來尚未舉行此

典著念宗潢宜申燕衍著於本年十月二十四日在懋教殿筵宴宗室所有一切事宜著各該衙門查照豫備○甲午 上還京師

○乙未命嗣後諭查事件應行速奏者諭旨內註明由驛字樣該督撫方可由驛具奏此外不得任意動用驛馬以節郵傳○丙午

全傢丁母憂以壻圖禮為湖北巡撫○庚戌汪承霽以不稱職降二品銜休政訓燕枝為左都御史以姜晟為刑部尚書轉祖之望

為刑部左侍郎以劉斌為刑部右侍郎○甲寅免順天府文安縣窪地上十額賊東安縣減則地畝上年額賦十分之四

冬十月戊午命嗣後順天武鄉試外場改於十月初七日開弓十二日出榜著為 癸酉諭前因百齡奏承辦屈抑武緣縣革

生黃萬錫等毀屍誣告冤擬絞候一案當降旨派廣厚馳往會審茲據百齡廣厚會勘定擬具奏此案已革武緣令孫廷標於黃萬

錫毀傷黃文燭身死諸驗時既經作報有傷痕呈出鐵頭禾槍兇器該革令飭以死逾三十三日斥令報作因病身故並將鐵器

傳改為竹器傷詳結完案已屬故縱兇徒嗣伊家人曹施向兇手黃萬錫索取銀兩許辦葬罪該革員事後聞知僅止逐去旋即身

放迨親復控時該革員回護前非隨起意殘屍滅去生傷另裝死傷以便反坐原告黃萬錫誣控之罪種種情節既經徹底根究

水落石出是其顛倒是非任意觀法莫此為甚出乎情理之外外省辦理刑名地方官往往規避處分多方回護甯使兇徒漏網冤及無辜必鉅鍊周內伸其說而後已該管上司又多據詳審結草率了事殊為可恨之極近年赴京控告各案經朕特旨交審其審屬子虛者十居八九謂此中一無冤抑朕實難以憑信總由各上司袒庇屬員不問事體曲直惟知意存消弭相習成風牢不可破試思各省控案不一而足若必俱派欽差前往審辦始能昭雪又安用督撫為耶此等積習不特外省為然即如前月北城劫盜捆縛事主業經呈報吏目冷體不但不上緊緝捕轉將事主磨折偏令改供規避處分雖案情與孫廷標出入人命者不同而其有心捏飾變亂黑白事同一轍旋經軍機大臣會同刑部審明辦理今孫廷標一案係百齡不顧情面始能平反重譴前已賞戴花翎並予甄敘著再加賞太子少保銜以示優獎而儆疲玩各督撫總應以百齡為法有能秉持公正者必當錫以褒嘉儻仍藉詞情面一味顛頑經朕訪聞或被入剝効必當加以嚴懲斷不稍為寬貸所有已革知縣孫廷標於家人得贓並不立時追究又復袒庇舞弊卽與自受無異伊家人業經身故又安知非該革員得贓授意巧為卸罪地步且主使殘屍圖入人罪實屬慘酷孫廷標著卽處絞以昭炯戒俾各直省不肖州縣官知朕斷不袒護行吏而使良民抱屈天日昭然朕心可對黃鸞廟用鐵頭示擒戮傷黃文煬身死占地逞兇行賄贖罪未便再稽顯戮黃鸞廟亦著卽行處絞公義前任廣西臬司時於屍親疊次上控並未親提研鞠復仍交原審之孫廷標與委員會審以致釀成冤獄玩視人命咎實難辭不必交部嚴議公義著卽革職發往烏魯木齊效力贖罪餘俱著該部覈議具奏並將此案辦理緣由通諭知之○以銜齡為貴州布政使許兆椿為江西按察使由江蘇調○丁丑諭江南河工本係吳璥專責見在美景查勘河口風神廟舊至新開引口一帶節節淺阻此時糧艘尚不能歸次吳璥辦理不善各實難辭陳大文兼管河防不能及早安辦亦有不合陳大文吳璥均著先行交部議處用觀後效○己卯 上御惲敏殿賜宗室諸王等宴十一月丁亥諭六部衙門政務殷繁臣工等理宜敬恭朝夕遇有應奏事件隨時陳奏方免叢脞之虞前我 皇祖世宗憲皇帝因駐蹕圓明園道路稍遠特令文職各衙門輪日奏事原以示格外體恤之意至進宮後各衙門並不輪班值日奏事者原以宮廷密迩無難日日進內乃近來各部堂官意圖安逸每聞有御門日期將應奏之事及引見人員俱於是日彙齊奏辦其前後兩三日間竟不進內奏事者絕少朕留心察看已非一次朕未明求衣趨下辦事同此勞者惟軍機內廷數人耳別部堂官過應奏事件及應帶領引見人員延玩不奏在家高臥以避聰寒於心安乎於理得乎京員如此怠惰外任尚可問乎卽如本日御門後吏部帶領月官正黃旗值日帶領引見俱屬照例按期辦理而禮兵二部及三庫亦於此日帶領引見實屬趁便試思禮兵二部並非吏部月官可比而三庫引見之事更屬無多何以必於今日帶領朕日理萬幾從不稍延晷刻並非因本日事多略有煩煩特因兩日前各衙門奏事太覺寥寥耳前月三十日永思殿用膳辦事僅有都察院步軍統領衙門陳奏事件昨日又止有鑲黃旗引見官十三員禮兵等部及三庫應引見人員何不可移前帶領而必湊集於御門之日謂非有心積愆希圖便逸而何此內如內廷行走諸臣每日

選內本無可偷安自係外廷各員憚於早起故乘御門奏事之便相率為此殊非敬事之道至小京官衙門事務繁簡該堂位甚至

日高未起而於進署辦事稍復各定定期此等積習豈所謂靖共匪懈者乎朕此時不難降旨令各部堂官每晨趨直以儆怠惰但

念此中尙有年老諸臣趨走艱難朕亦不爲已甚嗣後各部臣務宜力加振作於應辦之事隨時陳奏即朕拜廟拈香各處所無不

照常辦事非務遊觀各衙門儘可呈遞奏章其有可帶領引見之處並應酌量帶領何必因朕偶有臨在輒稱不便奏事自耽安選

轉以爲仰體朕躬耶善將此旨通諭六部衙門各堂官共知敝省各思夙夜在公之義無負朕拳拳訓誨至意○以廣教爲左副都

御史由大理寺轉選○王辰琳甯以疾免以恭阿拉爲禮部尙書英善爲左都御史調貢楚克扎布爲刑部右侍郎德文爲兵部右侍郎以

多永武爲禮部右侍郎由內閣學士調○壬寅諭御史王瑤臺奏請定升遷人員引見限期以防流弊一摺所奏甚是各衙門升遷員缺事

關職守豈得任意遲緩何以吏部帶領給事中二缺其吏科一缺引見遲至一月之後而刑科一缺三日後即帶引見遲速懸殊如

此竟係任意辦理又禮部儀制司郎中一缺係本年八月所出該部直至本月初二日始帶引見遲至三月更屬草率益不可解似

此漫無限制任意遲緩難保其中無資緣壓缺等事著交吏禮兩部堂官明白回奏此後各衙門出缺引見以及外省送部引見人

員著該部著定限期以杜流弊仍隨時照稽察各衙門如有逾限即行參處示儆尋吏兵二部議奏嗣後在京各衙門應行題補

之缺定以出缺後二十日帶領內外雜項人員定以驗到後二十日帶領如有展轉行查者均寬限十日其各衙門引見人員統限

三十日帶領武職人員赴兵部驗到定於十日內考驗弓馬十五日內帶領引見從之○戊申調那彥成爲兩廣總督倭什布爲陝

甘總督○壬子以玉甯爲內閣學士由大理寺調○甲寅調百齡爲廣東巡撫孫玉庭爲廣西巡撫

十二月戊午諭本日董誥會同都察院奏將侍郎成書等四人嚴加議處分別降調一摺此事成書等初奏時以盧坤爲劉權之取

中門生意存瞻徇違例弊混而保甯緝布不免扶同附和聯銜參劾劉權之係軍機大臣是日被參之後朕即不令隨同召對朕於

諸臣從不偏袒如果所奏屬實則劉權之前在吏部尙書任內失察書吏舞弊一案業經獲咎經朕加恩仍留尙書之任量移兵部

若復敢瞻徇門生有心弊混即當革職治罪保甯緝布設果扶同附和即屬溺職至輕亦應鑄級是成書等一摺而劾一大學士兩

尙書事關重大是以特派董誥等會同秉公查詢嚴參追經查明例案盧坤確係應補之員劉權之於吏部咨駁後已另將李鼎元

擬補咨取吏部漢員專條成書等會同畫案覆查吏部已知前次咨駁錯誤正欲檢舉成書陳霞蔚二人兼署吏部甯不知之乃不

俟覆到即與劉鳳誥德文聯名參奏是誠何心復令傳到伊四人逐一詢問伊等亦自認糊塗冒昧屬實朕尙慮有屈抑遽日召見

廷臣廣加諮詢食稱成書等參奏實屬錯誤取口一詞可見此事實由成書等四人懷疑挾制任意措詞妄行參劾竟係有心攻訐

此風斷不可長且部中辦理公事以畫稿爲定若會同畫諾又復橫生枝節成何事體成書陳霞蔚於吏部一切例案本應留心何

得以何應回避未便詳查爲詞况行查例條並非覈辦事件可比似此兩部交涉之件甚多有何引嫌回避之處顯係藉口枝梧今

查詢明確成書等所奏全虛若律以反坐之條甯不當將伊四人參劾劉權之應得之罪罪之耶凡彈劾一人必須剖當其罪設大學士尙書等果有舞弊營私情事自當明列彈章朕必徹底查究若事涉虛誣卽司員筆帖式等亦不當稍令員屈况大臣乎朕綜理庶務一秉大公從不豫存成見稍有偏倚於部院諸大臣豈肯輕爲更易卽有因公錯誤情節可原者尙予寬容必至萬不得已始加之黜謫此乃用人之苦心茲成書等四人實咎由自取卽照議分別降調亦所應得今朕格外從寬量予輕減成書陳震蔚著加恩改爲降四級調用劉鳳詒德文著加恩改爲降一級以內閣學士補用劉鳳詒既經降調不應充實錄館副總裁著仍充總纂官責令專司纂辦免圖後效設稍不盡心妥辦並或遇事輒有見長必當嚴加懲處不能再邀寬宥也將此通諭知之○以明志爲兵部左侍郎廣興戴聯奎爲兵部右侍郎俱由內閣○以王汝璧爲兵部左侍郎長齡爲安徽巡撫由吏部調補○予告大學士王杰謝恩來京命乘肩輿至隆宗門外扶杖進內以備召對○乙丑吳璥以疾召來京以徐端爲江南河道總督李亨特爲河東河道總督調鄂雲布爲江蘇按察使以楊鰲爲安徽按察使由甘肅調補○庚午以廣敏爲內閣學士由吏部調補○乙亥諭本日據軍機大臣會同刑部奏審明贊禮郎清安泰所控盛住款蹟分別定擬將盛住照例問擬斬決請旨定奪一摺盛住係孝淑皇后之兄斷不肯稍存姑息亦不肯有意從嚴以示無私惟斟酌情理權衡定罪以期折衷至當陵寢重地界限甚嚴如有犯者原當以禁格之遠近定罪名之輕重盛住如果在紅椿以內開採山石則法無可貸卽奏請定奪朕必立予刑誅今盛住開採山石係在青椿以內白椿以外其開本有行宮廟宇營房及居民田舍與切近禁地者不同閱嘉慶五年刑部改修例文將青椿內取土取石與設窯燒炭一律科罪本未明晰盛住爲人朕所素知伊糊塗狂妄屢獲愆尤是以不加倚任茲在工次種種怠玩於該監督等稟請開採時並不詳查舊例輒予准行罪由自取惟檢查乾隆四十二年馬蘭鎮總兵滿斗於五花嶺峰口拆開石牆乘馬往來意圖自便一案經軍機大臣會同刑部問擬斬決猶蒙皇考高宗純皇帝鑒其法重情輕特降諭旨引唐書權善才誤斧昭陵柏一事將滿斗改爲斬候今盛住所採山石係辦理營房工程所用較之滿斗又有公私之別遠近之分自當量予原減盛住加恩免死發往烏魯木齊自備資斧效力贖罪限於二十四起程毋許逗留監督洪廷裕福奎明椿福成額聽從石商之言輒行稟知開採七十三條屬總管均當科以爲從之罪見在盛住業已施恩所有洪廷裕等五人前已革職著加恩免其軍罪福甯德音既不知採石情事尙無不合著准其開復原官照例供職無庸再交議處餘依議所有此條例文著大學士會同刑部悉心商酌分別禁限之遠近以定罪名之輕重另行妥議具奏尋奏請嗣後凡在紅椿以內盜砍樹株取土取石開窯燒炭放火燒山者仍照舊例辦理其在紅椿以外白椿以內所有民間取土取石不及一丈自種私樹槩不禁止外其開山採石掘地成濠開窯燒炭放火燒山者卽照紅椿以內減一等爲首發近邊充軍從犯杖一百徒三年白椿以外青椿以內再減一等辦理從之○己卯調襄行簡爲直隸布政使曉柱爲福建布政使○調景安爲直隸按察使傳修爲山西按察使○庚辰體仁閣大學士劉墉卒晉贈太子太保入祀賢良祠遺囑郡王

永瑞帶侍衛十員往奠茶酒賞銀一千兩並令其往江蘇學政環之來京治喪予祭葬諡文清○辛巳寶卿王縣慶壽命榮福主縣億往奠茶酒賞銀五千兩治喪予祭葬諡曰恪○是歲朝鮮暹羅來貢○會計天下民數數各省地共大小男婦三萬四千四十六萬一千二百八十四名口各省通共存倉米穀二千九百七十萬六千二百四十七石八斗七升七勺

嘉慶東華錄十九

嘉慶十年乙丑春正月丁亥命嗣後各省及新疆等處慶賀元旦招統限於十二月初十日以後二十五日以前半月內一律送到

乙未諭予告大學士王杰 先朝舊舊入直內廷宣力有年忠清直勁老成端謹前年以老疾乞休經朕再三慰留因屢次陳懇

跪切勉從所請朕曾親製詩章優加錫賚以寵其行歸里以後屢有批章詢問知其起居無恙上年十月間為伊夫婦八十同庚特

製詩章賜聯並賜以如意文綺等件用延福祿嗣據王杰具奏謝恩摺內有即日脂車詣闕之語朕惟慮其銜寒遠涉諭令自行酌

量程行走旋於臘月初旬抵京特令員翼進朝扶杖入對察其精神尚健賜詩誌喜並留侯春醪後再行起程賜綢旬日以來屢

經召見看其體氣稍形疲頓疊經諭以在寓靜攝方英春和增健安愈言歸俾其順養林泉壽躋大耋不料究以年高氣弱不勝嚴

寒凜冽遽爾遽逝聞之深為悼惜著加恩晉贈太子太師入祀賢良祠賞給陀羅經被派榮都王縣德帶領侍衛十員前往奠醊茶

酒並賞給廣儲司庫銀二千兩經理喪事所有應得卹典著該部察例具奏其靈柩回籍時著沿途地方官照料妥為護送尋予祭

葬加賜祭一壇諡文端○辛丑諭向例員子之子年已及歲者賞給三品頂帶年未及歲者不賞今緣志之子交續奕紹之子政銓

歸末及歲但前業經賞給四品頂帶著加恩俱賞三品頂帶以示朕賜厚親支支意○庚戌諭本日朕恭閱 皇考高宗純皇帝實

錄乾隆四十一年二月內欽奉 諭旨養心殿太監等遇有零星活計概許酌造辦處各項匠役整理漫無稽覈殊屬非是圓明園

等處亦然宮殿重地遇有應行修整之事應告之總管內務府大臣派員放匠不當任聽太監等專擅徑行昔 皇祖時曾有 諭

旨飭禁載在宮史今相沿日久太監等漫無顧忌著交總管內務府大臣嚴行禁止嗣後如有必須放匠修整活計之事俱令呈明

該管大臣派員查點仍將某處放進次數於年底彙摺具奏欽此仰見 皇考祇循 成憲訓誡詳明允宜實力奉行日久弗懈朕

前曾疊次降旨申嚴門禁原以宮廷重地本非外人所可擅進其應行進內者如豫備召見人員及內廷行走大臣官員各有職司

又有奏事太監帶領立法原屬周備至匠役等人數洵難豈容漫無查考必當派員帶領出入方符體制今原立章程久而廢弛每

歲年底並未見該管大臣等彙奏不可不重申 舊制加之整頓嗣後禁城及圓明園等處遇有應行放進匠役修整活計等事著

太監呈明總管內務府大臣派員查點明晰將某處放進次數人數按月具摺隨月摺彙奏毋許太監等任意傳喚擅自出入以昭

嚴肅所有乾隆四十一年二月內原奉 聖諭及此次所降諭旨均著該館敬謹錄入宮史垂示久遠遵行勿替○辛亥命朱珪為

體仁閣大學士管工部事以禮部尚書紀昀協辦大學士加太子少保調敷衛亨為戶部尚書以熊枚為工部尚書陳大文為左都

御史

御史鐵保爲兩江總督全保署山東巡撫玉甯爲理藩院右侍郎

中內閣學士

○調戴均元爲吏部右侍郎劉鑣之爲戶部右侍郎

二月乙卯朔諭據山東登萊青道張彤奏請將登州府知府政爲題缺一摺所奏殊屬冒昧越分前經降旨准令道員繕摺奏事原以監司大員設所屬地方有關繫民生利弊要件如冤獄亟須平反而督撫藩臬或有同執已見不聽申理等事自應據實直陳今張彤所奏請改海疆府缺此係督撫大吏分所應辦之事該道即因缺分緊要確有所見必應改題亦當申稟巡撫具奏何得自行擅陳輒思飭發部議所請况道員之於知府雖係上司然相去不過一間亦未便率意更張若各道道員以此越職言事紛紛瀆奏成何政體此風斷不可長張彤所奏此時未便徑交部議著交新任巡撫全保將登州府一缺是否實應改選爲題確查具奏到日再降諭旨尋奏登州府屬地方濱臨海島近日政務殷繁較倍於前請改爲請旨簡放之缺得旨著照所請登州府知府一缺准其改爲諸旨簡放交部註冊張彤係越職言事但道員本有奏事之責且其事已在行張彤著免其議處○丙辰諭前因恭閱實錄內載辦理金川軍需時奉有 聖諭禁止軍營帶兵大員私用賞號袖段銀兩等項業經降旨申諭通行本日恭閱乾隆四十一年四月內 實錄復奉有 諭旨以川省賞號實屬濫設隨征員弁奮勉出力者俱令覈其功績分別議賞議敘其出眾者又特加升用賞給巴圖魯名號並賞戴花翎藍翎何得更有隨營賞號之事或將軍等自願體面將自有之袖段等物量行賞給未爲不可向年傳恆經略金川即以朕賞賜之物分賞將士並非地方官辦給又如平定準噶衛回部時亦並無此項開銷何獨川省辦及賞號即富德此次在軍營止於無功乃因有賞號一項始則濫賞沽名繼則員支棍扣以圖彌補身蹈重愆可見賞號一項斷不可有嗣後即當永遠刪除欽此仰見 皇考再三訓誡義正詞明朕前次屢降諭旨正相符合賞罰乃國家大柄况用兵之際懲勸攸關豈可不慎如帶兵員弁果有奮勉出眾者或擢升官職或給予巴圖魯名號或賞戴翎支或交部議敘皆以朝廷名器論功行賞方合酬庸之義豈區區細段荷包等件足以當之噫有違犯禁令者必當按律治罪又豈呵斥笞楚所可示罰可見功懋懋賞之典至渥且距即朕有時特頒物件賞給銀牌不過隨事獎勵猶屬賞之輕者至帶兵大員本不當以一時僥勞私恩輒立賞號名目其始如傅恆等尚係將自有之物分給士眾迨後率相效尤又不能出賞購辦遂不得不向地方官調取豫備而福康安尤甚因而承辦軍需者居然視爲正項支銷自有賞號名目以後帶兵大員藉詞取索漫無限制而地方局員亦不免以購備爲名浮濫多糜甚或舞弊營私取肥己橐交結見好及至報銷帑項時又復多方設法希圖掩飾如從前富德在金川軍營即以侵冒獲罪其流弊不可勝數所有軍營賞號一項必當嚴行禁止茲復諄切申諭著戶部遵奉存記於軍需例案條下將此項名目永遠刪除○己未上御經筵○辛酉諭軍機大臣等據倭什布等奏英吉利國呈進表貢請旨遵行一摺該國王重譯輸誠情詞恭順從前乾隆六十年閏會經附進表貢蒙 皇考高宗純皇帝俯賜寬收加以錫賚賜之敕書此次既據該國王備進方物自應照例賞收著那彥成等查照辦理並將貢品齎京呈遞再行頒給敕書賞件俾遂忱悃而示優柔至所稱該國有護貨兵船四隻來廣一節近聞外洋貨船

到粵均有兵船護送亦不獨英吉利國為然必係因洋面不能肅清自為守衛之計迨駛至澳門已近內地口岸或有竊掠之事豈

不貽笑外夷該督等當嚴飭地方文武整飭巡防使澳門一帶商船停泊得以安靜無虞至伊等護貨兵船向來必有衛泊處所總

當循照舊規勿令任意越進為要再聞譯出該國稟奏內稱有別項事情要我出力我亦十分歡喜效力等語此言似非無因自係

聞洋面時有盜警或需伊國兵力幫同緝捕是以隱隱其詞海洋地面番船往來原應內地官兵實力查緝焉有借助外藩消除奸

匪之理那彥成到任後惟當遵照節次諭旨修明武備整頓營伍使奸徒聞風自遠以懾外夷而靖海疆方為不負委任○調王汝

璧為刑部右侍郎轉戴鼎奎為兵部左侍郎以吳璥為兵部右侍郎由江蘇南河總督奏○癸亥 皇四子齡恆生○己巳禮親王永恩薨遣

貝勒蘇壽帶領侍衛十員往奠茶酒予祭葬諡曰恭子昭棧襲○協辦大學士禮部尚書紀昀卒遣散秩大臣德通帶領侍衛十員

往奠茶酒賞銀五百兩治喪予祭葬諡文達○辛未調劉權之為禮部尚書協辦大學士加太子少保以陳大文為兵部尚書蘇炳

泰為左都御史調吳璥為倉場侍郎以劉璣雲為兵部右侍郎由內閣學士奏○召東丹來京以文需為山東布政使景城為浙江按察使

行議罪並將纂修校對等官一併議罪本日保甯等自請革職並請將總纂汪德誠等革職交刑部治罪等語朕於各館呈進書函

及各部院一切奏摺本章內有闕弊 天 祖典禮必先照冰器函即尋常事件恭遇 列祖 列宗廟號自係大經大法所在擇

經之餘敬畏嚴恭實出於不自知是以萬目倍加詳慎此內設有繕寫錯誤字樣一經看出若不指明查處不惟朕心有所不敢亦

且有所不忍從前屢有錯誤節經降旨通飭諭令一體敬謹詳閱免貽愆尤今進呈會典事例於擡頭字樣復有謬寫可見諸事漫

不經心實非尋常錯誤可比若照伊等自請處分將大學士尚書八人槩行罷斥朕固不為已甚然大臣等設豫存此見以為即有

錯誤總可冀幸寬免則此心即屬不敏遇事必多舛錯况進呈事件巨細總當留意若云伊等所管事務較多無暇詳閱則朕躬親

萬幾又何以事事必親披覽乎此次書寫擡頭錯誤既經朕指出各總裁安能辭咎保甯慶桂董誥朱珪劉權之德煥戴衢亨長麟

均著加恩改為革職留任八大臣中實心任事者必知後改因循保位者亦不過視為尋常或謂朕過於苛細亦未可知自問於心

能無愧乎朕於諸大臣恩意有加見因書籍錯誤大學士尚書等八人同時槩予以革職留任朕心已為之不憚諸大臣等尤當仰

體此心時懷敬謹用副成全亦不但呈進書籍為然也至總纂汪德誠協修楊樹基校對邊廷英均係專辦書籍之員其咎更無可

追均著革職從寬免其交部治罪嗣後該總裁等務須各思愧奮於進呈書籍倍當小心詳閱所有該館進書章程著保甯等另行

安議具奏總在辦理詳慎期於無誤不可欲速誇多致涉草率○乙亥以瑚素通阿為內閣學士由翰林院侍講選成格為左副都御史由

侍講選○庚辰緩徵四川屢被教匪滋擾之太平等四廳縣額賦並體課茶稅

三月丁亥 上親耕藉田○己丑 上啓鑾謁 西陵○是日幸雨苑行園○乙未免經過地方額賦十分之三○戊戌 上臨五

月東華錄

光緒十九

公主園寢賜奠○己亥 上謁 泰陵 泰東陵至 孝淑皇后陵奠酒回鑾○庚子以吉林三姓積年災歉發倉穀一萬石平糶

○丙午 上閱健銳營兵○戊申 上還京師○己酉倭什布以總督兩廣時廢弛降一品頂戴花翎○壬子以萬承 風為內閣學士

夏四月壬戌以故實郡王蘇慶子奕綺襲封貝勒○辛未諭御史蔡維鈺奏嚴禁西洋人刻書傳教一摺京師設立西洋堂原因推

算天文參用西洋凡西洋人等情願來京學藝者均得在堂棲止乃各堂西洋人每與內地民人往來講習並有刊刻書籍私自流

傳之事在該國習俗相沿信奉天主教伊等自行講論立說成書原所不禁至在內地刊刻書籍私與民人傳習向來本定有例崇

今奉行日久未免懈弛其中一二好事之徒創立異說妄思傳播而愚民無知往往易為所惑不可不申明舊例以杜歧趨嗣後著

管理西洋堂務大臣留心稽察如有西洋人私刊書籍即行查出銷毀並隨時諭知在京之西洋人等務當安分學藝不得與內地

民人往來交結仍著提督衙門五城順天府將坊肆私刊書籍一體查銷但不得任聽胥役藉端滋擾致干咎戾○癸酉諭本日據

福慶奏旗員璉祿因親老懇請回京當差已降旨照所請行矣因思旗員終養之例久經停止如果在外服官年久因親老呈請回

旗亦所不禁今璉祿於嘉慶八年簡補鎮遠府員缺其時該員生母年已七十有四如杲難以遠行即應呈請留京乃業已到署甫

及二年旋以親老呈請回京若不定以限制恐該員等或於到任後見缺分平常希圖規避或與上司有意見不合之處藉詞引退

或因囊橐已匱冀得歸家安享託詞親老懇請回京種種情偽亦不可不防其漸嗣後旗員如果有親年已逾七十家無次丁及其

親年未合例素有疾病者均應於在京補放時即行呈明留京當差儼於到任後一二年間遽行呈請回京者俱不准行著為令○

以蘇沖阿為內閣學士由奉宸先朝選○戊寅賜彭俊等二百四十二人進士及第出身有差○己卯撥廣儲銀十萬兩給隨從盛京官員

兵丁製備行裝○庚辰予故禮部尚書琳甯祭葬諡勤儉○癸未諭據刑部奏審明廣東民人陳若望私代西洋人德天賜遞送書

信地圖並究出傳教習教各犯分別定擬一摺西洋人信奉天主教在該國習俗相沿原所不禁即京師設立西洋堂亦止因推算

天文參用西法凡該國情願來京學藝者均得在堂棲止原不准與內地民人往來滋事乃德天賜膽敢私行傳播訊明習教各犯

不惟愚民婦女被其煽惑兼有旗人亦復信奉並用漢字編造西洋經卷至三十一種之多若不嚴行懲辦何以開異說而杜歧趨

且該國原係書寫西洋字內地民人從無傳習今查出所造經卷俱係刊刻漢字其居心實不可問此在內地愚民已不得傳習而

旗人尤不應出此關繫人心風俗者甚巨所有寄信人陳若望在堂講道之漢軍周炳德會長民人劉朝棟趙廷珍朱長泰漢軍汪

茂德或往來寄信或展轉傳或著照刑部所擬發往伊犁給厄魯特為奴仍先用重枷枷號三箇月以示懲儆民婦陳楊氏以婦女

充當會長尤屬不安本分著發往伊犁給兵丁為奴不准折枷收贖民人簡恆曾代為寄信請人傳教漢軍佟恆善經反復開導執

迷不悟俱著枷號三箇月滿日發往伊犁給厄魯特為奴周炳德汪茂德恆恆善既自背根本甘心習學洋教實不齒於人類均各

銷夫謀三一律職即情願出教之民人王世甯柯添福尹思敬吳西滿漢軍於明冬回籍勇領向知悔過應行省釋但恐該犯等因一時畏罪飾詞未必出於至誠仍著該管旗籍各官嚴加管束如敢再行傳習即加倍治罪德天賜以西洋人來京當差不知安分守法妄行刊書傳教實屬可惡該部奏請或飭令回堂或遣回本國均屬未協德天賜著兵部派員解往熱河在厄魯特營房圈禁仍交慶傑隨時管束毋許與內地旗民往來交涉以杜煽惑管理西洋堂事務大臣常福於德天賜寄信刊書傳教等事未能先事查察著交內務府議處其失察旗人習教之歷任都統副都統等著軍機大臣查明奏請交部分別議處該堂存貯經卷交軍機大臣會同刑部派員檢查銷毀毋許存留其刊刻板片並著五城順天府步軍統領衙門一體查銷並出示曉諭軍民人等嗣後儼再有與西洋人往來習教者即照違旨刊從重懲究決不寬貸餘著照刑部所議行

五月甲申勅諭向來西洋堂事務俱派總管內務府大臣管理而歷任總管之大臣等不能實心經理其派委司員亦不常川稽查大率有名無實即如近日德天賜等妄行刊書傳教煽惑旗民此皆由歷任該管大臣官員等平日不實認真查察以致伊等敢於私通書信往來交結見在管理西洋堂事務之常福著無庸兼管改派祿康長麟英和管理其應如何設立章程嚴加管束之處著祿康等悉心妥議具奏尋議酌派司員到堂稽查設立堆撥輪流巡緝撤毀堂額天主字樣禁止旗民彼此往來封禁該堂女堂房屋稽察海淀各堂寓所歸驗該國投寄書信編造服役人數冊檔示諭習教治罪條款禁止收買藥材洋草從之○丁酉諭向來新進士以知縣即用者原欲令其早日服官用資造就近年因錄用人員較多銓選不無壅滯需次仍復稽遲是以此次新進士引見後特降旨交吏部籤掣分發各省以知縣即用因思辛酉壬戌兩科進士內即用知縣見在未經銓選者尚多中式在前而得缺轉後未免偏枯著吏部查明一體籤籤分發各省其有見在未經到部投供者並著該部代為舉定省分行知各該員原籍由本省督撫給咨徑赴該省補用以示朕體恤寒畯俾得及時自效至意○己亥陳大文因疾乞休允之以鄒炳泰為兵部尚書王茲修為左都御史轉關槐為禮部左侍郎調戴聯奎為禮部右侍郎轉劉躍雲為兵部左侍郎以趙秉冲為兵部右侍郎○庚子諭佟潤色克舒敏李慶喜因傳習天主教革職交刑部審辦茲據刑部奏佟潤等到案俱各供情願出教請革職免其治罪等語佟潤等均係旗人且任職官輒敢棄背根本學習洋教見雖據供明真心改悔但恐因一時畏罪求免伊等全家久為那說所惑一經釋放或仍私相崇奉其言殊難憑信佟潤色克舒敏李慶喜仍著在刑部羈禁將伊等家屬傳至令其當面告誡各將洋教不祀祖先不供門宦等事全行改革仍交各該旗查明伊全家出教屬實由該管參佐領具結詳報再行釋放如釋放後再敢私行習教即加倍治罪決不寬貸○癸卯召慶章來京以景安為陝西布政使調慶格為直隸按察使以方受騰為河南按察使○戊申諭勒保前於嘉慶二三年間勦捕貴州仲苗悉心籌辦掃穴擒渠俾苗疆永臻寧靖厥功甚偉當經錫封侯爵事竣後調赴四川總統軍務剿辦邪匪因生擒首逆王三槐督封公爵嗣授為經略大臣其時賊匪四散竄擾勒保未能通盤籌畫駐守達州漫無調度是

以將伊稷職逮問旋因帶兵乏人賞給藍翎侍衛令其前往四川立功自贖伊深却感奮懃著戰績與德榜奏兇劉張金連輝大川等逆斃賊千餘復授爲四川總督繼又生擒首逆多名肅封一等男爵前此大功告竣已加恩肅封一等伯茲聞閣臣編纂方略載有嘉慶四年三月間勒保奏通飭川東川北各州縣悉令百姓等依山附險各結寨落章程井井有條彼時賊匪正被官兵四路兜剿以窮奔鉅走爲能往往於所過鄉村擄人掠食肆其兇殘久而滋蔓自結寨以後不特百姓自保身家而賊匪亦無由焚劫且居民等憑依險固心膽既壯賊至卽合力攻擊斬獲甚多其後陝楚一律儆行賊勢日形窮蹙始能將無數兇渠以次殲蕩今三省全境肅清間安堵如常揆厥所由實得力於堅壁清野之策勒保首先倡議洞悉機宜得以肅功完善允宜懋賞酬庸勒保著加太子太保銜並賞戴雙眼花翎至明亮本係宿將從前平定兩金川時曾蒙 皇考高宗純皇帝賞封伯爵緣事褫革迨剿辦苗匪斬擒首逆石柳鄧等復封伯爵嗣因帶兵截剿高均德不能顧及姚之富齊王氏等大股賊匪致令鼠合革職治罪旋經帶兵立功游加拔擢又因所剿張漢潮脫逃予以觀革而該首逆旋即就殲伊何無疏縱不力情事是以復經任用仍在湖北督兵殲擒多賊屢獲勝仗後以年老同京供職前於大功告竣時已封爲一等男茲晉秩尙書念其久歷戎行頻年宣力屢其前後勞績較多著加恩晉封爲一等子以示朕嘉獎勳臣有加無已至意○己酉嚴禁生監把持潛務○省四川駐防滿洲佐領下養育兵各一名○壬子調景安爲福建布政使以朱勳爲陝西布政使調杜柱爲陝西按察使以李銘爲山西按察使

由直隸補
河道運

六月甲寅以江蘇浙江水災命截留四川運京米三十萬石備糶○丙辰封貴人鈕祜祿氏爲 如嬪○己未命嗣後國子監漢祭酒缺照翰林院詹事府各官升轉例開列請簡○庚申諭前據表行簡奏稱查明直隸省初次清查各屬虧短銀二十七萬兩有奇二次清查則一百五十二萬餘兩皆經奏咨有案至嘉慶六年以後又復三次清查未經奏咨者已有二百六十四萬餘兩此後沿至九年爲止其爲虧缺又不知凡幾等語閱之殊堪駭異因命軍機大臣將嘉慶四年十一月間戶部奏嚴議直隸省清查虧欠攤賠各款時所降諭旨呈覽並查取四年十一月以後歷任直隸總督藩司在任年月開單進呈各省倉庫錢糧均係國帑稍有虧缺卽當按律治罪前此諭令覈實清釐原欲該督撫藩司等督飭屬員建籌彌補是以嘉慶四年間直隸省查明虧欠數目因念歷時既久人數過多特降諭旨免其治罪按照所虧銀數分別給予年限追完係屬格外恩施該督等接奉以後自應一面截數嚴禁各州縣續虧之弊一面將承追銀兩依限嚴催歸款每年將已完未完數目據實奏聞劃清年月以期逐漸完結乃各省清查數目雖理彌補章程均已陸續陳奏而直隸自四年冬間奉旨以後從未有一字奏及節經降旨通諭各省督撫令其督率清釐毋許屬員續有虧那不啻至再三而頭於歷任直隸藩司總督總未據實入告每遇差次逐日召對面加垂詢亦未將實在虧短情形備悉密陳止圖含糊了事實則並未上緊查辦顏檢好爲虛謬意存粉飾屢經訓飭仍不悛改一味徇庇屬員因循推諉以致各該州縣無所畏懼稅法營私不惟前欠未補抑且任意積虧此內不肖之員甚或買田置產聲色自娛或加捐升職或爲子弟捐納職官使